

故宮博物院
珍藏集

欽定石渠寶笈續編

共十冊
第二冊



故宮博物院編

海南出版社

故宮珍本叢刊第 441 冊子部藝術類書畫

故宮博物院編

欽定石渠寶笈續編

第二冊（共十冊）

海南出版社



圖書在版編目(CIP)數據

故宮珍本叢刊.第440~449冊,子部.藝術.書畫/故宮博物院編.一影印本.一海口:海南出版社,2000.12

本輯包括:欽定石渠寶笈續編/(清)王杰等撰

ISBN 7-80645-871-9

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75602 號

故宮珍本叢刊第 441 冊

子部·藝術·書畫

欽定石渠寶笈續編

第二冊(共十冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:25.25 印數:1-400 冊

ISBN 7-80645-871-9/Z·38

定價:5600 元(子部藝術 30 種共 36 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

欽定石渠寶笈續編

第八

乾清宮藏八

列朝名人書畫

宋高宗書馬和之畫後赤壁賦圖一卷

本幅絹本。縱八寸一分。畫幅橫四尺四寸。水墨畫赤壁泛舟景。無名款。書幅橫三尺三寸二分。草書蘇軾後赤壁賦。是歲十月之望。步自雪堂。將歸於臨臯。二客從予過黃泥之

坂。霜露既降。木葉盡脫。人影在地。仰見明月。顧而樂之。行歌相答。已而歎曰。有客無酒。有酒無肴。月白風清。如此良夜何。客曰。今者薄暮。舉網得魚。巨口細鱗。狀似松江之鱸。顧安所得酒乎。歸而謀諸婦。婦笑曰。我有斗酒。藏之久矣。以待子不時之需。於是攜酒與魚。復遊於赤壁之下。江流有聲。斷岸千尺。山高月小。水落石出。曾日月之幾何。而江山不可復

識矣。予乃攝衣而上。履巉巖。披蒙茸。踞虎豹。登虬龍。攀栖鵲之危巢。俯馮夷之幽宮。蓋二客不能從焉。劃然長嘯。草木震動。山鳴谷應。風起水湧。予亦悄然。而悲肅然而恐。凜乎其不可留也。反而登舟。放乎中流。聽其所止而休焉。時夜將半。四顧寂寥。適有孤鶴橫江東。來翅如車輪。縹裳縞衣。戛然長鳴。掠予舟而西也。須臾客去。予亦就睡。夢一道士。羽衣翩

跹。過臨臯之下。揖予而言曰。赤壁之遊樂乎。問其姓名。俛而不答。嗚呼噫嘻。我知之矣。疇昔之夜。飛鳴而過我者。非子也耶。道士顧笑。予亦驚悟。開戶視之。不見其處。款印二。雙龍圓璽。太上皇帝之寶。

後幅篆書後赤壁賦無名款

鑒藏寶璽八璽

收傳印記梁清標印蕉林秘玩蒼巖子河北

巢村治溪漁隱。蒼巖子梁清標玉立氏印章。

觀其大略。梁雖之印。鍊雪若霽。晴嵐居士。晴

嵐珍藏。張氏。晴嵐張子。雪邊人。晴嵐鑒定。

張晴嵐收藏印。晴嵐甫。縕真閣圖書記。張伯

子鍊雪鑒定。清河張若霽。晴嵐氏珍玩之章。

縕真。鑪烟當畫引揮毫。

謹按書畫舫云。錢塘馬和之。失其字號。結與中登第。官至工部侍郎。或云畫院待詔。非是。畫鑒云。馬和之。人物甚佳。行筆飄逸。時人目為小吳生。

宋人法書 四冊

本幅紙本。四冊第一冊。二十四葉。首冠宋徽宗書。以下李宗諤起至張商英止。二十有三
人書。第二冊。二十五葉。蔡襄起至張閣止。二
十有四人書。第三冊。二十五葉。李彭起至沈
與求止。二十有五人書。第四冊。二十四葉。翟
汝文起至陸秀夫止。二十有三人書。共九十
五人。

第一冊第一縱一尺二分。橫一尺九寸六分。
宋徽宗瘦金體書。欲借嵯峨萬仞崇。故將工
巧狀層峰。數尋蒼色如烟合。一片盤根似蘚
封。院宇接連常藉竹。池亭掩映却憑松。分明
裛出依巖寺。只欠清宵幾韻鐘。風霜正臘晨
早見。幾枝新預荷東皇化。偷回北苑春棋槍。
雖不類。薜蘿似堪倫。已有清榮論。終難混棘
藿。

謹案是蹟見式古堂書畫彙考

第二縱一尺一寸橫九寸六分李宗諤楷書
詩送士龍腹兄從表弟翰林學士李宗諤上
銅魚四明守竹馬十年兄摻袂河梁別鳴橈
澤國行登樓知日近傍海見潮生郡政應多
暇新詩幾首成

謹案李宗諤字品武饒陽人官至左諫議大夫是蹟見書畫彙考

第三縱一尺橫一尺四寸九分葉清臣行楷

書清臣啟近追大旆久侍緒言乍此睽分伏
惟企戀伏承已涓良日據案署事東南千里
蒙福此初僻陋小邦日企餘潤甫懇崇茂體
中若何聽決餘閑善輔冲守不宣清臣再拜
資政大諫天休十兄防閣七月五日

謹案清臣字道卿長洲人官侍讀學士知河陽是蹟見書畫彙考乃致鄭戩書天休戩字

第四縱八寸三分橫一尺五寸三分富弼行
書弼修建墳院得額已久先人神刻理當崇

立今天下文章惟君謨與永叔主之又生平

最相知者永叔方執政不欲干請獨有意於
君謨久矣但為編次文字未就故且遷延昨
因示諭輒敢預聞下執即非發於偶然惟故
人倫察少安下情也皇恐皇恐院榜候得請
別上聞次圓覺偈亦如教刊模也哀感何勝
弼又上溫柑絕新好畫薦於几筵悲感悲感
弼又啟

謹案是蹟刻入
三希堂法帖乃致蔡襄書

第五縱八寸四分橫一尺三寸六分文彥博
行書彥博啟先此郵中得報內翰奄棄盛年
久忝知契聞訃摧咽况乎天性何可勝處切
須自勉老年如何當此生於前年罹此痛猶
賴素曾留意於無生法故粗能自遣幸聽愚
者之言彥博

謹案是蹟刻入
三希堂法帖

第六縱九寸五分橫一尺五寸二分司馬光楷書天聖中先太尉與故相國龐公同為羣牧判官故省副陳公與龐公善光以孺子得拜陳公於榻下元豐二年八月乙丑晦陳公之孫法曹過洛以公手書詩藁相示追計五十年矣嗚呼人生如寄其才志之美所以能不朽於後者賴遺文耳苟無賢子孫其湮沒不顯於世可勝道哉光竊自悲侍公之久今

日乃得睹公之文又喜法曹君之賢能顯融其先烈是敢嗣書於羣賢之末涑水司馬光謹案跋中所云先太尉乃光父池故相龐公乃龐籍省副陳公乃省華也

第七縱八寸二分橫一尺六寸七分歐陽修楷書修啟修以衰病餘生蒙上恩寬假哀其懇至俾遂歸老自杜門里巷與世日疎惟竊自念幸得早從當世賢者之遊其於傾嚮德義未始少忘於心耳近張寺丞自洛來出所

惠書其為感慰何可勝言因得仰詞起居喜承宴處優閒履況清福春候暄和更冀為時愛重以副縉紳所以有望者非獨田畝垂盡之人區區也不宣修再拜端明侍讀留臺執事三月初二日鈴印一六一居士

謹案司馬光以端明殿學士分司西京此札蓋致光書也是蹟刻入三希堂法帖

第八縱八寸橫一尺張方平楷書賢郎在侍

下留錢塘也今有慰疏告為附達寵惠名茶不任愧感中間示諭新製火爐告令買兩所因便寄及為幸方平啟對幅有吳寬陳衍跋

右宋名臣杜祁公唐質肅公張文定公韓獻肅公兄弟手帖五通皆真迹也太宰林公俾寬鑒之謹記其後宏治庚申七月晦吳寬拜書鈴印二吳寬原博

張安道名茶帖文定教人學書運筆先從篆籀入門宜其腕力有餘若此當王介甫在館閣時公惡其矯激微之出阮範翁所跋計五人僅存此紙蓋林康懿舊物也鈴印一陳衍之印

謹案方平字安道歸德府人官參知政事是

蹟見書畫彙考跋中康懿乃林庭樞議

第九縱八寸八分橫九寸七分沈邁行書也

田君士林之英方當進用於朝遽茲棄化眾所嘆也友于之情奈何奈何孔子稱仁者壽云者不以年也謂聖人達生死之理而若常存云爾明哲深於是庶可不傷於性焉邁上

謹案邁字文通錢塘人官翰林學士是蹟見書畫彙考

第十縱七寸五分橫七寸七分趙抃楷書抃

啟辱誨示以南都山藥分惠冒勝珍感介還布謝崖畧不宣抃頓首知郡公明大夫坐前即刻海柑四十顆容易為獻皇恕皇恕

謹案抃字閑道衢州西安人官參知政事是蹟見書畫彙考刻入三希堂法帖

第十縱八寸四分橫九寸呂公弼行書子

安學問博瞻材智深遠豈能久困常選方朝廷搜揚俊異用特立之士何必借譽平常之

流公弼再拜

謹案是蹟見書畫彙考

第十二縱八寸一分橫一尺王安石行書安石啟過從謂必得奉見承書示乃知違豫又不敢謁見唯祈將理以副頌盼不宣安石上通判比部閣下

第十三縱九寸四分橫一尺二寸八分韓絳楷書絳頓首猥蒙訪別以未由陛見不及舟

次叙違其為悚戀不勝懇懇乍遠談對切冀倍加愛重為最走此陳謝匆匆不宣絳再拜從事同年兄十七日書一角錢十三千七十七陌賸紙二軸並託求使人致錢塘知縣舍弟太祝處容易干煩不勝愧仄

謹案絳字子華雍邱人神宗時相是蹟刻入三希堂法帖

第十四縱八寸八分橫九寸三分韓絳楷書絳偶成拙頌寄冲師長老賴川韓絳上承師

一指便心空萬象森羅觸處通別後自它知
不隔湯湯積雪起寒風

謹案是蹟見書畫彙考

第十五縱九寸五分橫一尺六寸韓繹行書

繹頓首再拜留守司徒侍中繹瞻懷館下馳
情旦暮昨以承乏牽冗久踈左右之間悚忤
至深冬仲嚴寒伏惟台候動止萬福區區鄉
往未繇言侍仰覲保調寢味下情之望謹奉

啟不宣繹惶恐啟上留守司徒侍中台坐十

一月一日謹空

謹案繹絳弟是蹟見書畫彙考刻入
三希堂法帖

第十六縱八寸九分橫九寸二分韓鎮楷書

鎮欽聞制命深副願言屬此守藩莫遑修慶

嚮風馳想言叙奚殫鎮又上

謹案鎮字玉汝絳弟哲宗時相是蹟見書畫
彙考

第十七縱九寸橫八寸九分呂大防行楷書

大防頓首私門不幸息女喪亡伏蒙台慈特
賜手問仰荷軫恤無任悲感末由面謝哀咽
奉啟不次大防頓首尚書右丞台坐

謹案是蹟見書畫彙考

第十八縱八寸六分橫一尺三寸二分錢公

輔行書公輔啟別久問稀日遲還轅之來得
元珍書乃知憂禍歸於故里榮養未幾不遂
雅志痛當奈何痛當奈何冬序已晚不審孝

履何若未由面慰惟冀節哀以力大事遠情

所祝不宣公輔手啟公默秘校大孝服舍張
微之同此哀苦料日得相依足以自寬季冬

初七日

謹案公輔字君倚武進人官知揚州

第十九縱九寸九分橫一尺三寸六分范純

仁行書念者日企軒馭之來以釋煩渴天氣

計寒必已倦出應且盤桓過冬况伯康初安

諒難離去咫尺

此行左又有咫尺二字

無由往見豈勝

思仰之情更祈以時倍加保重其他書不能盡純仁頓首上伯康君實二兄坐前九月十

一日

謹案是蹟見書畫彙考乃致司馬光兄弟書伯康即光兄旦也

第二十縱九寸五分橫一尺三寸六分范純粹行書純粹啟久不見故人每以依仰東吳山水之國風物秀麗食飲佳緻想全翁甚樂

之也純粹守此五年比再滿才歲餘耳淺拙自力無足言者親老得此地涼疾體稍便二家兄到晉數得書三家兄且安職然去意常在也何當款語以紓遠情餘非此可道也純粹上

粹上

謹案純粹字德孺仲淹季子官殿中待制是蹟見書畫彙考刻入
墨妙軒法帖札中兩云二家兄即純行三家兄乃純禮也

第二十二縱八寸五分橫一尺二寸五分呂

嘉問行書嘉問衰晚無堪蒙恩進職易郡悲

出交游延譽之賜將何補報有愧而已辱誨

示副以慶函禮意之厚益重慚畏嘉問至青

社累月乍脫東南之劇就一州之安良以為

幸但未知晤語之日馳情悵悵嘉問再拜

謹案嘉問字望之公弼從孫官龍圖閣學士是蹟見書畫彙考嘉問黨於安石得下屢起屢起史載其出知常州江寧府潤州故云東南之劇其知青州史失載

第二十二縱八寸五分橫一尺二寸二分唐

垌行書垌啟征局冗坐忽辱珍翰意快目明珠增欣感昨日紙再納一番朝夕躬請左右次不宣垌再拜彥遠尊兄侍史午刻

謹案垌字林夫錢塘人官同知諫院是蹟見書畫彙考刻入

墨妙軒法帖

第二十三縱九寸橫一尺三寸八分趙令時行書令時頓首辱惠翰伏承久雨起居佳勝蒙餉梨栗愧荷比拜上恩賜茶分一餅可奉

尊堂餘冀為時自愛不宣今時頓首仲儀兵
曹宣教八月廿七日

謹案是蹟見書畫彙考刻入
三希堂法帖乃致王素書仲儀素字。

第二十四縱九寸八分橫一尺五寸九分張
商英行書商英惶恐女夫王瀉之蒙收錄八
月七日已解商水任薦格餘溢遂可改京商
英受賜與王氏均等今第二女夫楊開還蜀
輒令請見恐或下問河東北間事蓋楊生從

商英者二年矣伏恐上知商英惶恐再拜

謹案商英字天覺新津人徽宗時相是蹟見
珊瑚網

第二冊第一縱九寸二分橫一尺二寸四分
蔡襄草書襄得足下書極思詠之懷在杭留
兩月今方得出闕歷賞劇醉不可勝計亦一
春之盛事也知官下與郡侯情意相通此固
可樂唐侯言王白今歲為游閨所勝大可怪
也初交時景清和願君侯自壽為佳襄頓首

通理當世屯田足下大餅極珍物青甌微粗
臨行忉忉致意不周恚

謹案是蹟見珊瑚網真蹟日錄書畫彙考刻
入三希堂法帖乃致馮京書當世京字

第二縱九寸一分橫九寸七分王素楷書素
再拜啟陝右久藉才德宣布天子之惠一方
安肅實解朝廷西顧之憂然偶淹使麾輿議
甚鬱想進用之命不出旦夕伏冀寬以處之

前近寵數少慰門人之望幸甚幸甚素再拜

謹案素字仲儀旦之子官工部尚書

第三縱七寸一分橫八寸三分蘇軾行書元
豐八年正月旦日子由夢李士寧草草為具
夢中贈一絕句云先生惠然肯見客旋買雞
豚旋烹炙人間飲酒未須嫌歸去蓬萊卻無
喫明年閏二月六日為子道之書以遺過子
坡翁

謹案是蹟見書畫彙考

第四縱八寸三分橫一尺三寸八分蘇轍行書轍啟頃承車馬按部獲少奉談笑殊慰傾瞻奉違未幾即日不審起居何如轍幸此解罷免於敗闕皆出餘庇感戴實深未遑走謝左右惶悚可量也酷暑千萬為時珍重謹奉手啟不宣轍再拜提刑國博執事六月九日

謹案是蹟見書畫彙考刻入三希堂法帖

第五縱一尺八分橫一尺三寸王觀行書觀再拜平江酒毛汝能乃觀所辟置天下之奇材而湯德廣諸人不以法度御之多取以供它費小使臣不敢輒忤其意至今循習不改觀已請於朝欲自使令今已得數萬緡酒本方營求數十區屋林興治清河一坊追復其舊稍待三兩月之期使司必與享此利欲望一差檄過抗嚴戒以即日上道幸甚第勿令

胡守知此意也觀再拜有原無名款

王觀字明史泰州如皋人第進士熙寧中為編修三司今剛定官不樂久居職求潤州推官當因二浙早奉檄覆案悉除諸稅觀此札言辟置毛汝能監酒豈觀亦當掌稅事耶觀後知潤州胡宗愈亦知潤州札中所謂胡守者豈即宗愈耶

謹案是蹟刻入三希堂法帖

第六縱八寸八分橫一尺二寸七分孫甫行書甫啟虞候還附手啟必已呈左右節級歸又辱啟詢即日體况休豫深以為慰舟船極

荷應副已差人申取亦欲完葺也有所教乞時惠音餘惟順時自重以竢迅擢不宣甫手啟子溫運判屯田同年侍史三月廿六日謹空

謹案甫字之翰陽翟人官侍讀是蹟見書畫彙考刻入三希堂法帖

第七縱九寸八分橫一尺六寸二分李之儀行書之儀再啟伏讀別紙延子加重深畏非

據頃自稍遠。一向杜門。時到田畝間。與村老周旋外。塊坐而已。高誼素所景仰。裹糧而趨。固所欣願。況近在數十里地邪。便當撥置。以圖傾盡。不愚早晚可回。聞其婦家已有代期。何猶遷延也。丁君聞好事。鄙語出於展轉應副。過煩獎予。皇恐皇恐。叔黨定肯書否。果得之。足以借重也。乍到過從。必未間。又端若將遠別。得無應接稍勞否。之儀再啟。

謹案之儀字端叔。無棟人。官樞密院編修。是蹟見書畫彙考。叔黨。蘇過字。

第八。縱一尺。橫一尺四寸五分。裴煜楷書。煜啟。久疎修問。秀州道中。賢子見過。傳雅誨。極荷意愛之厚。且承燕間多適。氣宇泰然。至慰至慰。比欲詣邑。圖一笑之樂。屬治行迫窘。悵賴不釋。不克如願。但向風快快無已。劇寒惟以時自重。保固壽福。瞻禱瞻禱。煜再拜。致政太保太初兄執侍。二日。

謹案書畫彙考。載宋賢十七劄子。內有此蹟。不詳爵系。惟登科記載寶元六年。省元裴煜。

第九。縱八寸七分。橫一尺四寸二分。林希行書。希再拜。前此四年。嘗於武林奉見風範。然一往來之間。未極深接嘉誼。而心所傾嚮。固亦異於此矣。乖隔以來。不審侍下福履。何似。希間居吳門。相望才數舍。未緣前見。徒積瞻跂。輒奉手狀通問。幸恕崖畧。不宣。長樂林希再拜。劉君秘書文几。二月十三日手狀。鈐印。

一希。

謹案希。字子中。福州人。官至同知樞密院。是蹟見書畫彙考。希於元祐初。以中書舍人。言者論其浮俗。出知蘇州。札中問居吳門。蓋其時也。

第十。縱七寸七分。橫一尺二寸二分。蔣之奇行書。之奇啟。辱書。承比來體履佳念。遠宦枹罕。想難於行計也。往使陝右。乃所嘗到。一味只有口人與兵馬。便可心習帥才也。呵呵。承國門嘗見訪。非論及則不知也。方暄自愛。自

愛。不宣之奇頓首。彥和河州司戶。二月二十

日。

謹案之奇字穎叔。宜興人。官知樞密院事。是蹟見書畫彙考。

第十。縱九寸八分。橫二尺。黃庭堅行書。庭堅叩頭。比因南康簽判李次山宣義舟行。奉書。并寄雙井。計夏末乃得通澈耳。急足者伏奉三月六日手誨。審別來侍奉萬福。何慰如之。惠寄鮑詩揚州集。實副所望。廣陵四達之

衝人事良可厭。又有送故迎新之勞。計得近文字之日極少。然旨甘之奉易豐。又弟甥在親前。此亦人生極可意事。且主人相與平生傾倒。餘復何言。聞說文潛有嘉除。甚慰孤寂。但未知得何官耳。山川悠遠。臨書懷想。不可言。千萬為親自重。樽前頗能剛制酒否。每思公在魏時多小疾。亦不能忘念。不次。庭堅叩頭。上無咎通判學士老弟。五月五日。有題識。

一行。無名款。

宋翰林太史修神宗實錄分寧黃山谷庭堅魯直書。

第十二。縱九寸七分。橫一尺二寸六分。蒲宗孟楷書。宗孟頓首。夏中蒲兵還。辱榮翰。遠懷德誼。無時暫忘。秋高氣清。想惟邇日視履均勝。南北遠邈。江河阻修。引領話言。實勞鑒寐。初寒惟冀倍萬珍衛。手削草率不宣。宗孟頓首。知府鈴轄子中待制。十二日。鈴印。河東

謹案宗孟字傳正。閬州人。官資政殿學士。知河中。是蹟見書畫彙考。乃致林希書。刻入三希堂法帖。

第十三。縱八寸八分。橫一尺三寸七分。陳瓘行書。瓘啟。仲冬嚴寒。伏惟尊候萬福。瓘蒙恩遷叙兩官。昨日祇授。聖恩深厚。無以論報。拜命感涕而已。五八娘已成親。十娘在後月。恐知之。七六行。謹此上問。餘乞保重不備。瓘拜上。思濟使君大夫。十三姐縣君。十一月廿三

日。

謹案璫字璫中。南劍州人。官左司諫。是蹟見書畫彙考。

第十四縱一尺一寸四分。橫一尺七分。陳陽行書。太常少卿陳陽。行藝當年帝所聞。聲名久矣動簪紳。文場秉筆淵源厚。師席談經業履醇。白髮忽驚蒿里暮。青衫難問筭溪春。兩京模範垂芳遠。多少生徒淚滿巾。

謹案陽字晉之。福州人。官禮部侍郎。是蹟見珊瑚網。書畫彙考。

第十五縱九寸五分。橫一尺四分。陳師錫行書。師錫頓首。歲晏伏承德履休佳。辱手畢。雲鉤名醪。野人豈當厚賜。仁者之粟。懷惠為多。餘面謝不具。師錫頓首。方迴監郡宣德執事。

謹案師錫字伯修。建陽人。官殿中侍御史。是蹟見書畫彙考。刻入三希堂法帖。

第十六縱八寸。橫六寸五分。米芾行書。昨日陳攬戢戢之勝。鹿得鹿宜。俟之。已約束後生。

同人莫不用煩他人也。軫之只如平生。十官如到部。未緣面見。欲罄紳區區也。芾頓首再拜。

謹案是蹟。見書畫彙考。刻入三希堂法帖。

第十七縱八寸五分。橫九寸三分。薛紹彭草書。昨日得米老書。云欲早率吾人過天寧素飯。飯罷閱古書。然後同訪彥昭。想亦嘗奉聞左右也。侵晨求見。庶可偕行。幸照察。紹彭再拜。

拜。

謹案紹彭字道祖。長安人。官秘閣修撰。是蹟見珊瑚網。書畫彙考。刻入三希堂法帖。

第十八縱八寸二分。橫一尺。邵鰲行書。鰲啟。到京俗事區區。遂不果頻上狀。鄉往何可言。秋暑尚爾。不審邇來公外動靜何如。鰲無狀。承乏東排岸。勉力祇職。未緣聚會。謹勒手啟。候起居。唯祈以時保衛。不宣。鰲再拜。存道良。

親司理閣下

謹案嚴。字仲卷。丹陽人。官顯。撰閣待制。是蹟見書畫彙考。刻入三希堂法帖。

第十九。縱九寸六分。橫一尺四寸一分。王嚴叟楷書。嚴叟頓首啟。潤遠清範。日益以久。第企鄉之心。時至左右。辱教。伏承開府之初。台候萬福。感慰無喻。歲晏。參對未期。惟冀調護。寢興。以副眷倚之重。謹奉啟不宣。嚴叟再拜。

知府安撫左丞資政。二十三日。鈐印一。嚴叟

謹案嚴叟。字彥霖。清平人。官簽書樞密院。是蹟刻入

墨妙軒法帖。

第二十。縱八寸九分。橫一尺二寸四分。曾布楷書。布頓首。還朝雖久。未獲一接緒論。傾企不忘。比蒙枉顧。不遺。豈勝感慰。秋意加爽。竊惟優游圖史之間。諸况甚適。拘文無緣。造謁但增鄉往。謹奉啟叙謝不宣。布手啟上質夫。

學士侍史

謹案是蹟。刻入三希堂法帖。

第二十一。縱九寸七分。橫一尺四寸五分。曾布楷書。布頓首再拜啟。布區區承乏守邊。辱在鄰壤。輝光潤澤之所。需被得以庇藏。塞拙所蒙。固已多矣。而撫循勞問。眷與之渥。愈久愈隆。孤朽之資。何以堪此。佩服恩紀。愧戴而已。參候畧具前紙。不敢重陳。悃悃之私。臨紙

莫罄萬一。伏惟幸察。謹奉手啟不宣。布頓首再拜。上知府安撫資政左丞台。謹空。十八日。

第二十二。縱九寸。橫一尺五寸八分。曾肇行書。肇奉別。行復歲暮。傾鄉實倍常情。但公私紛紛。為問不數。甚自媿也。別紙丁寧。豈惟益友忠告之誼。亦出於憂國懇懇之誠。反復數四。不勝感歎。衰拙於此。豈能忽然。但再三則瀆。終恐無補耳。餘非會面。不究所懷。遠書萬

一流落不可不慮也。海陵過此。相見。誠如所諭。廣陵之傳。迺吏誤報。乘流得坎。任其自然。未嘗以此為念。上下匱乏。所在皆爾。非獨彼也。歲晚益寒。強食自愛。為祝。肇又上。

謹案肇字子開。南豐人。肇弟。官翰林學士。知制誥。是蹟見書畫彙考。列入。

三希堂法帖

第二十三。縱八寸三分。橫九寸三分。章淳行書。會稽尊候萬福。承待次維揚。想必迎侍過。

浙中也。且興度應留旬日。二十間必於姑蘇奉見矣。冀盡從容。惇別紙。

謹案是蹟見書畫彙考。列入。

三希堂法帖

第二十四。縱九寸。橫一尺三寸三分。蘇邁行書。邁頓首再拜。主管學士坐下。辱書愈勤。感不勝道。即日庚暑。伏惟台候萬福。並承叙遷崇秩。想惟慶慰。未即瞻近。切幾精意保理。以前異渥不宣。邁頓首再拜。主管學士坐下。

謹案是蹟見書畫彙考。

第二十五。縱一尺八分。橫一尺二寸。張閭行書。子昭知縣學士。即日伏惟台候。動止萬福。蕪湖解后。今已三時矣。區區不勝仰德之誠。比承外臺列薦。甚慙士論。朝廷方且以公為循良。稱首。柄用宜在朝夕。忽爾弓祠。何也不敢別書。未間。尚冀惠序。節宣。無任傾倒。閣再拜上問。

謹案閭字臺卿。河陽人。官兵部尚書。龍圖閣學士。

第三冊第一。縱九寸四分。橫一尺三寸六分。李彭草書。公闢家兄得彼相從。當甚歡也。然亦以親老思北歸。何時遂耶。小妹子與諸孤。幸此糊口粗安。勿煩為念。但念八長成。未有親事。三十已許與小子房八弟十二子為婚。須候念八了當。方議之也。令嗣去年相見。或云尚未出京。久不訪及。諒當專令人來彼取。